



S Meinradus filius fuit Berchtoldi comitis Sulgouia ad Danubium, quem mater post diuturnas preces tandem in lucem edidit, cum uotum fecisset, sese suum primogenitum Deo atq; diuinis officijs oblaturum. Itaq; ipse à parentibus bonis literis institutus, in Monasteriũ celebre Richenauri collocatus fuit, ut ibidem Deo per uitam suam inseruire posset. In eo loco ita in studijs progressus est, ut breui tempore aliorum iuuenum, qui ibi religionis causa instituebantur, præceptor constitutus fuerit. Cum autem uideret homines ibidem uoluptatem sequi, & meliora studia cum precibus diuinis negligere, ipse aliam uitam respicere cœpit. Ita-

que primò (relieto eo monasterio) altissimum montem Etzel ad lacum Tigrinum inhabitare cœpit. postea etiam ulterius progressus, dẽsissimam syluam accessit, atq; ibidem Eremitam agere statuit. In eo loco quorundam incolarũ opera adiutus cellam & domunculam quandam ædificauit, in qua diuturnis orationibus Deum interpellauit, atq; homines ad se uenientes in uera fide instituit, anno post Christum natum 860.